



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-433/09
Sarajevo, 20.4.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 21-04-2009			
Organizaciona jedinica	Klasifikaciona oznaka	Redni broj	Broj priloga
01-	50-1-15-45/09		

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Federalno ministarstvo financija i trezora – Porezna uprava – Središnji ured, aktom broj: 10/01-02-2-579/09 od 13.4.2009. godine, dala je odgovor na zastupničko pitanje koje gosp. Adem Huskić, zastupnik u Zastupničkom domu Parlamentarne skupštine Bosne i Hercegovine, postavio na 45. sjednici ovog doma održanoj 4.2.2009. godine.

U privitku dostavljamo navedeni akt u kojem je sadržan odgovor uz molbu da isti uručite zastupniku.

S poštovanjem,

Co. Ministarstvo finacija i trezora
- informativno-



GENERALNI TAJNIK
Zvonimir Kutleša



17-04-2009			
05	50	433-1/	

09.10.2.1091

Broj: 10/01-02-2-579/09
Sarajevo, 13.04.2009. godine

BOSNA I HERCEGOVINA
VIJEĆE MINISTARA
- Generalno tajništvo -

n/p g-din Zvonimir Kutleša, generalni tajnik

PREDMET: *Odgovor na poslaničko pitanje, dostavlja se*

VEZA : *Vaš akt broj: 05-50-433/09 od 13.02.2009. godine*

Shodno Vašem aktu, broj i datum kao u vezi, kojim tražite informacije u vezi sa poslaničkim pitanjem zastupnika Zastupničkog doma Parlamentarne skupštine Bosne i Hercegovine Adema Huskića, koje se odnosi na problem naplate poreza od pravnih subjekata čiji su vlasnici stranci i naplatu poreza od fizičkih osoba koji su rezidenti drugih država, a obavljaju djelatnost u Bosni i Hercegovini, izvještavamo Vas o slijedećem:

Odredbama poreznih i drugih zakona koji se primjenjuju u Federaciji Bosne i Hercegovine na isti način su tretirana privredna društva čiji su osnivači domaća i strana fizička i pravna lica

Odredbama člana 2. Zakona o privrednim društvima („Sl. novine Federacije Bosne i Hercegovine“ broj: 23/99, 45/00 i 2/02, 6/02 i 29/03) propisano je da je privredno društvo pravno lice koje samostalno obavlja djelatnost proizvodnje i prodaje proizvoda i vršenja usluga na tržištu radi sticanja dobiti, te da isto mogu osnovati domaća i strana fizička i pravna lica.

Privredno društvo stiče svojstvo pravnog lica danom upisa u sudski registar i odgovara za svoje obaveze svojom cjelokupnom imovinom.

Odredbama člana 56. Zakona o privrednim društvima propisano je da se u registar društva, između ostalog, upisuju podaci o visini ugovorenog(upisanog) i uplaćenog osnovnog kapitala dioničkog društva i

društva sa ograničenom odgovornošću kao i ukupan broj i visina pripadajućih udjela iskazana procentualnim učešćem u osnovnom kapitalu, za svakog člana društva.

Odredbama člana 314. Zakona o privrednim društvima propisano je da osnovni kapital društva sa ograničenom odgovornošću sa jednim ili više osnivača iznosi najmanje 2.000,00 (dvijehiljade)KM, s tim da vrijednost pojedinačnog uloga ne može biti manja od 100,00 (stotinu)KM.

Nakon što se pravna lica ili organizacije registriju kod sudskih i drugih nadležnih organa, ista su dužna naredni dan, a najkasnije u roku pet dana podnijeti prijavu za registraciju Poreznoj upravi Federacije Bosne i Hercegovine.

Po završetku registracije Porezna uprava izdaje poreznim obveznicima uvjerenje o poreznoj registraciji i istim dodjeljuje identifikacioni broj.

Ukoliko porezni obveznici, što podrazumijeva i strana fizička i pravna lica, ne plaćaju poreze, kazne i kamate u skladu sa odredbama propisanim poreznim zakonima, Porezna uprava preduzima mjere propisane odredbama Zakona o Poreznoj upravi Federacije Bosne i Hercegovine („Sl. novine Federacije Bosne i Hercegovine“ broj: 28/04 i 33/02) .

Jednu od mjera za osiguranje izmirenja poreznih obaveza predstavljaju postupci prinudne naplate, čije su procedure i uvjeti za primjenu propisani Zakonom o poreznoj upravi F BiH i Pravilnikom o procedurama prinudne naplate poreznih obaveza („Sl. novine Federacije Bosne i Hercegovine“ broj: 50/02 i 54/03).

Ukoliko porezni obveznik ne plati poreznu obavezu u roku utvrđenom u nalogu za plaćanje, utvrđeni iznos porezne obaveze postaje predmetom zakonske hipoteke u korist Porezne uprave, na svu imovinu i imovinska prava poreznog obveznika.

Odredbama člana 54. stav 2. pomenutog Zakona propisano je da se naplata porezne obaveze iz imovine poreznog obveznika izvršava pljenidbom i prodajom imovine, pljenidbom sredstava za plaće, potraživanjima ili bilo kojim drugim finansijskim potraživanjima, a stav 9. istog člana propisuje da se prodaja zaplijenjene imovine vrši aukcijom, javnim oglašavanjem i direktnom prodajom.

Dosadašnja iskustva ukazuju na činjenicu da većina pravnih lica čiji su vlasnici stranci, ne posjeduju imovinu iz koje bi se mogao naplatiti porezni

dug ili je imovina istih nedovoljna za naplatu istog. U slučajevima nenaplativosti duga, pravna lica se proglašavaju nelikvidnim, a porezni dug nenaplativim.

Ističe se, da nije ustrojena zakonska regulativa koja propisuje mehanizme obezbjeđenja naplate dužnih poreznih obaveza od pravnih lica čiji su vlasnici stranci i naplate duga od fizičkih osoba – rezidenata drugih država.

Prema evidencijama kojima raspolaže Porezna uprava Federacije Bosne i Hercegovine, Sektor za istražne i obavještajne radnje podnio je dvadesetdvije krivične prijave protiv pravnih subjekata nerezidenata Federacije Bosne i Hercegovine, odnosno odgovornih lica - nerezidenata u pravnim licima, za djela porezne utaje. Najveći broj krivičnih prijava podnesen je protiv državljana NR Kine.

U svim slučajevima u kojima postoji osnovana sumnja da je počinjeno porezno krivično djelo podnose se obavijesti nadležnom tužiteljstvu.

Prema službenim evidencijama ovog organa, 4.021 pravni subjekt, čiji je osnivač strano fizičko ili pravno lice je registrirano u Poreznoj upravi Federacije Bosne i Hercegovine, koji podliježu poreznim zakonima i podzakonskim aktim, inspekcijskom nadzoru, te obračunu i naplati svih vrsta javnih prihoda iz nadležnosti Porezne uprave Federacije Bosne i Hercegovine.

U vezi sa sporazumima o izbjegavanju dvostrukog oporezivanja, može se reći da se sporazumi o izbjegavanju dvostrukog oporezivanja poštuju, tako da pojava dvostrukog oporezivanja nema.

Porezna uprava Federacije Bosne i Hercegovine, u skladu sa postojećom zakonskom regulativom, preuzima sve aktivnosti i mjere iz okvira svoje nadležnosti u cilju naplate poreznih obaveza od svih registriranih poreznih obveznika, što podrazumijeva i naplatu poreza od stranih fizičkih i pravnih lica.

Nakon što iscrpi sve zakonske mogućnosti naplate poreznih obaveza, Porezna uprava Federacije Bosne i Hercegovine se u većini slučajeva suoči sa problemom nenaplativosti dužnih obaveza od strane stranih fizičkih i pravnih lica.

S tim u vezi, zakonodavni organi bi trebali posvetiti posebnu pažnju ovoj pojavi i pokrenuti inicijativu za donošenje propisa kojim bi se uspostavili mehanizmi obezbjeđenja naplate poreza od strane stranih fizičkih i pravnih lica. Porezna uprava je organ koji samo izvršava porezne i druge zakone, te podzakonske akte kojim se reguliše obračun i naplata poreza.

S poštovanjem,

S poštovanjem,

Dostavljeno:

- **Federalnom ministarstvu finansija**
- **Naslovu**
- **Evidenciji**
- **a/a**



DIREKTOR

Federalnom ministarstvu finansija
Midhat Arifović, dipl.ecc.

Evidenciji
- a/a



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1324/09
Sarajevo, 4.5.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 06-05-2009			
Organizaciona jedinica	Klasifikaciona oznaka	Redni broj	Broj priloga
01-50-1-15-4/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 29.4.2009. godine, utvrdilo je odgovor na zastupničko pitanje koje je Adem Huskić, zastupnik u Zastupničkom domu Parlamentarne skupštine Bosne i Hercegovine, postavio na 45. sjednici ovog doma održanoj 4.2.2009. godine.

U privitku dostavljamo odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1324/09
Sarajevo, 29.4.2009. godine

ADEM HUSKIĆ, poslanik u Predstavničkom domu Parlamentarne skupštine Bosne i Hercegovine, na 45. sjednici Predstavničkog doma održanoj 04.02.2009. godine, Ministarstvu sigurnosti BiH postavio je sljedeće poslaničko pitanje:

„Trenutno je preko 20 policijskih službenika iz Granične policije, među kojima i zamjenik direktora suspendirano zbog istraga koje se protiv njih vode. Međutim, ovaj proces za neke od njih traje više od godinu dana, a da se niti podiže optužnica niti se proces obustavlja, odnosno isti se ne vraćaju na posao, nego suspendirali su ih i sjede kod kuće. Ovakva praksa govori da se ovim stvarima može i manipulirati i zloupotrebljavati bez ičije lične odgovornosti, a da ljudi pokrenu sudski spor protiv države i da država takve sporove izgubi, jer izgleda da se takvi sporovi već pokreću i da ih ljudi, odnosno pojedinci dobijaju i da im država plaća kao da su radili. Ovim se narušava ugled institucija BiH među koje spada i pravosuđe. Pitam Ministarstvo sigurnosti - Šta namjeravate poduzeti da se ovakve stvari dalje ne dešavaju?“.

Na postavljeno pitanje, Vijeće ministara Bosne i Hercegovine je na 85. sjednici održanoj 29.4.2009. godine, utvrdilo sljedeći

ODGOVOR

Na naše traženje, akt broj 01-50-55/09 od 13.02.2009. godine, kojeg smo uputili Tužilaštvu Bosne i Hercegovine i Graničnoj policiji Bosne i Hercegovine a u vezi pomenutog poslaničkog pitanja poslanika Adema Huskića, odgovore koje smo dobili u cjelosti prenosimo.

Odgovor Tužilaštva Bosne i Hercegovine, broj: A-130/09 od 08.04. 2009. godine glasi:

„Tužilaštvo BiH želi da napomene da u skladu sa članom 216. stav 1. Zakona o krivičnom postupku BiH, Tužitelj naređuje sprovođenje istrage ako postoje osnovi sumnje da je izvršeno krivično djelo. Također, želimo napomenuti da se istrage protiv pripadnika Granične policije BiH još uvijek vode, te kako su istrage u skladu sa Zakonom o krivičnom postupku tajne u ovom trenutku vam ne možemo dati više

podataka o istim. Kada postupajući tužilac Tužilaštva BiH donese tužilačku odluku u vezi sa istim o tome će te biti obaviješteni“.

Odgovor Granične policije BiH, broj: 18-06-50-481/09 od 24.02.2009. godine glasi:

„U okviru Granične policije Bosne i Hercegovine, po osnovu donesenih Rješenja direktora, trenutno je privremeno udaljeno - suspendovano iz službe 18 policijskih službenika.

Rješenja o privremenom udaljenju - suspenziji donesena su na osnovu Zahtjeva za pokretanje disciplinskog postupka, kako je to propisano odredbama člana 114. stav 3. Zakona o policijskim službenicima Bosne i Hercegovine.

Radi se o sljedećim policijskim službenicima:

1. Šućur (Milan) Ognjen	datum suspenzije	07.12.2007. godine
2. Šaravanja (Mladen) Slaven	-	07.12.2007. godine
3. Šaravanja (Drago) Mario	-	07.12.2007. godine
4. Osmić (Zajim) Fuad	-	07.12.2007. godine
5. Velo (Mustafa) Semir	-	07.12.2007. godine
6. Dodig (Ljubo) Ivica	-	07.12.2007. godine
7. Minić (Nenad) Branimir	-	07.12.2007. godine
8. Ereš (Krešo) Miljenko	-	07.12.2007. godine
9. Herceg (Jozo) Ante	-	07.12.2007. godine
10. Nikolić (Grujo) Goran	-	07.12.2007. godine
11. Alagić (Hasan) Vahid	-	06.12.2007. godine
12. Jaganjac (Arif) Fadil	-	28.01.2008. godine
13. Veselinović (Veljko) Bojan	-	18.09.2008. godine
14. Makarun (Nikola) Nenad	-	29.09.2008. godine
15. Bogičević (Veseljko) Stojan	-	11.11.2008. godine
16. Dropić (Meho) Sanela	-	11.11.2008. godine
17. Purić (Miladin) Čedo	-	12.11.2008. godine
18. Džida (Tomislav) Novak	-	30.12.2008. godine

Navedeni policijski službenici su, privremeno udaljeni - suspendovani sa izvršavanja poslova i zadataka, zbog pomenute istrage protiv njih od strane Tužilaštva Bosne i Hercegovine.

Uvažavajući odredbe aktuelnog Zakona o policijskim službenicima BiH, koji regulišu oblast privremenog udaljenja - suspenzije, ograničena je mogućnost preduzimanja u okviru Granične policije Bosne i Hercegovine, kojima bi se mogao, na drugi način, riješiti njihov radno pravni status“.